

SIOS.

2. Thachair a leithid so 's a' bhliadhna 1745. (7)
3. Chan ann a' magadh a tha mi idir, ged a thachair so a bhith mar so! (2, 2, 2)
4. Teagamh is iomgain. (8)
5. An rud a dhùisg bean-an-tighe. (2, 5)
6. Gàire àrd. (6)
7. Mar 5 Sios, gun "an" cuideachd. (5)
8. Cuilean beag. (5)
10. "Dol a shealg na h- — ruaidhe." (Oran). (5)
16. Adhbhar cait! (6)
17. "Cha b' — ach lìn do réiseamaid" (Iain Lom). (6)
18. An rud a chunnaic Anna. (7)
19. Cha robh ach corra thè dhiubh so anns na tighean dubha. (7)
21. "Ged theab gun do — Dunbheagain
Cha robh theab ann an — nan tighean"
(Somhairle MacGhilleathain) (7).
22. Cuiribh so thugainn cho luath 's a chuireas sibh crìoch air an toimhseachan. (5)
23. Thig so gu gruaidh an dràsda 's a rithis. (5)
24. A' nochdadh ùmhlaichd an comhair a chùil. (6).

Nuair a chuireas sibh crìoch air an toimhseachan so, cuiribh thugainn an duilleag, ach am bi i againn roimh an 10mh là de'n Ghearan (10/2/53). Bheir sinn duais as fhiach £1 ls do'n duine a chuireas thugainn a' cheud fhreagairt cheart a theid a sgrùdadh air an là sin. So agaibh an seòladh:

GAIRM, 112 BATH STREET, GLASGOW, C.2.

FREAGAIRT AN TOIMHSEACHAIN MU DHEIREADH.

Cha d'fhuair sinn ach aon fhreagairt cheart air an toimhseachan a bha againn as t-fhoghar, ged a chaidh grunn de ar luchd-leughaidh cho faisg air is a ghabhadh gun a bhith ceart. 'Se am fear a choisinn an duais Domhnall Moireasdan, 5 Harvey Road, Dunstaimhnis, An t-Oban.

So agaibh matà am freagairt a fhuair sinn bhuaithe:

TAR SUINN: 1. Earball; 4. Rag; 6. Samhail; 8. Glé; 9. Oga; 11. Seòl àrd; 12. Trusadh; 13. Cìr; 14. Cùl; 15. Losihti (Ith is òl); 18. Dad; 19. Dòrlach.

SIOS: 1. Easaontachd; 2. Rùm; 3. Ara; 5. Gleadhraich; 7. Laogh; 8. Glaic; 10. A null; 11. Seall; 16. Sòr; 17. Hca (Ach).

Duais Airson Sgeulachd Ghoirid

Anns an àireamh so de *Ghairm* tha sinn a' tairgse duais as fhiach trì ginidhean (£3 3s.) do'n duine a chuireas thugainn an sgeulachd ghoirid as fheàrr, anns am bi mu 1800 facal. Chan e sgeulachdan a tha air an togail bho bheul-aithris a tha dhith oirnn an dràsda ach sgeulachd a tha air a cladhach a mac-meanmain an sgrìobhadair. Biodh i sean-fhasanta neo ùr-fhasanta chan eil difir ann, ach i bhith math!

Cuiribh ur sgeulachdan thugainn gus am bi iad 'nar làmhnan roimh an cheud là de'n Ghearan (1/2/53). Tha sinn an dòchas gun cuir sinn an clò anns an ath àireamh de *Ghairm* an sgeulachd a choisneas an duais.